

## 5. gr.

Erindisbréf þetta er sett með heimild í 5. tölulið 12. gr. laga nr. 63/1974, um grunnskóla, og tekur gildi 1. september 1978.

*Menntamálaráðuneytið, 9. desember 1977.*

**Vilhjálmur Hjálmarsson.**

*Birgir Thorlacius.*

**REGLUGERÐ**

**um heimavistir grunnskóla og starfsmannafund í heimavistar-  
og heimanakstursskólum.**

**I. KAFLI****Heimavistir.**

## 1. gr.

Til umsjónarstarfa í heimavistum grunnskóla telst allt eftirlit með nemendum utan kennslutíma svo sem í heimavist, í borðsal, í útivist, í lestímum og við félagsstörf.

## 2. gr.

Skólastjóri skal gera áætlun um gæslustörf fyrir byrjun hvers skólaárs Fari áætlun fram úr gildandi reglum um greiðslur ríkissjóðs þarf skriflegt samþykki skólanefndar og sveitarstjórnar.

## 3. gr.

Í heimavistum skal daglegt eftirlit og umsjón nemenda vera í höndum kennara, fóstara eða annarra starfsmanna með uppeldismentun eða starfshæfni sem menntamálaráðuneytið viðurkennir. Skólastjóri ræður starfslið til gæslu að fengnu samþykki sveitarstjórnar eða skólanefndar í umboði hennar.

## 4. gr.

Gæslufólk skal leitast við að veita nemendum hliðstæða umhyggju og vernd og þeir njóta á heimilum sínum. Gæslufólk skal halda uppi jákvæðum aga, hvetja nemendur og leiðbeina þeim um góða umgengi, reglusemi og háttvísi.

## 5. gr.

Í öllum heimavistarskólum skal aðbúnaður vera þannig að nemendur geti notið sem best hvíldar og næðis utan skólatíma. Einnig sé góð aðstaða til tómtunda- og félagsstarfa. Ennfremur skal þess gætt að nemendur geti jafnan náð til umsjónarmanns heimavistar.

## 6. gr.

Dvöl í heimavist skal vera eins stutt og mögulegt er án þess að námið skerðist af þeim sökum, svo að tengsl barnanna við heimili þeirra rofni sem minnst. Æskilegt er að nemendur séu ekki lengur en 4 nætur að heiman í senn, nema 6 daga skólavika sé talin nauðsynleg, þá 5 nætur.

## 7. gr.

Miðað við vikulega gæsluþörf með heimavistarnemendum, sem koma í skóla kl. 11.00 á mánudögum og fara úr skóla kl. 16.15 á föstudögum og almennar aðstæður skulu greiðslur úr ríkissjóði fyrir gæslustörf miðaðar við eftirfarandi:

Fjöldi nemenda í heimavist	Gæslustundþörf
6—10 .....	21.25 klst.
11—20 .....	21.25 klst. + 0.65 á nem. umfr. 10
21—50 .....	27.75 klst. + 0.43 á nem. umfr. 20
51—80 .....	40.65 klst. + 0.63 á nem. umfr. 50
81 .....	59.55 klst. + 0.50 á nem. umfr. 80

Menntamálaráðuneytið úrskurðar gæsluþörf umfram framanritað, ef rökstudd beiðni þess efnis kemur frá skólum af eftirtöldum ástæðum:

- a) að skóli hefjist fyrr á mánudögum,
- b) að heimavistarhús séu tvö eða fleiri,
- c) að 6 daga kennsluvika sé talin nauðsynleg vegna skerts námstíma,
- d) að nemendur þurfi að dvelja í heimavist yfir helgi sökum veðurs, samgangna eða af öðrum ástæðum,
- e) að annir séu tvær vikur eða fleiri í senn, vegna samgönguferfiðleika.

## 8. gr.

Sveitarfélög, er standa að rekstri heimavistarskóla, greiða gæslufólki umsamin laun og endurkrefja ríkissjóð um hlutdeild ríkisins.

## II. KAFLI

## Starfsmannafundir

## 9. gr.

Í heimavistar- og heimanakstursskólum skal skólastjóri eða heimavistarstjóri í hans stað, halda reglulegan starfsmannafund í upphafi skólaárs. Leggur hann þar fram drög að áætlun um skipulag heimavistar, umgengnisreglur og gæslustörf. Halda skal annan reglulegan starfsmannafund síðar á skólaárinu.

## 10. gr.

Á reglulega starfsmannafundi skal boða allt starfsfólk skóla. Skytt er fastráðnu starfsfólki að sækja þessa fundi, enda séu þeir haldnir í daglegum vinnutíma þess.

## 11. gr.

Skólastjóri (heimavistarstjóri) boðar til starfsmannafunda og stjórnar þeim eða setur fundarstjóri í sinn stað, og skipar fundarritara. Fundargerð skal færa í gjörðabók.

## 12. gr.

Boða skal til sérstaks starfsmannafundar, æski þriðjungur fastráðinna starfsmanna þess og skal þá tilgreina fundarefni. Þá getur skólastjóri boðað til aukafundar.

## 13. gr.

Skólastjórar heimavistar- og heimanakstursskóla boða öikumenn, er flytja nemendur, á reglulega starfsmannafundi og aðra starfsmannafundi ef skólastjóra þykir ástæða til.

## 14. gr.

Reglugerð þessi er sett samkvæmt heimild í 20. og 37. gr. laga nr. 63/1974, um grunnskóla, og gildir frá 1. september 1977. Jafnframt falla úr gildi reglur nr. 57/1974, um heimavistargæslu.

*Menntamálaráðuneytið, 9. desember 1977.*

**Vilhjálmur Hjálmarsson.**

*Birgir Thorlacius.*

## REGLUGERÐ

**um gatnagerðargjöld í Búðahreppi, Suður-Múlasýslu.**

## 1. gr.

Sveitarstjórn er heimilt að leggja gatnagerðargjöld á lóðir í sveitarfélaginu eftir því sem nánar segir í þessari reglugerð. Heimilt er að leggja gatnagerðargjald á land, sem sambærilegt telst, þótt ekki sé sérstök lóð.

## 2. gr.

Gatnagerðargjöld eru tvenns konar, A-gjald, sem er gjald vegna þátttöku lóðarhafa í kostnaði við að gera undirbyggða götu með vatns- og holræsalögnum og B-gjald, sem er gjald vegna þátttöku lóðarhafa í því að setja bundið slitlag á götu og ganga frá gangstétt.

## 3. gr.

Nú ákveður sveitarstjórn að leggja á A-gjald vegna nýbyggingar, og skal þá miða gjaldið við ákveðinn hluta byggingarkostnaðar á rúmmetra, eins og hann er talinn af Hagstofu Íslands, svo sem hér segir:

Einbýlishús .....	1.5%
Tvíbýlishús og sambyggð einbýlishús á einni hæð .....	1.2%
Tveggja hæða raðhús og íbúðarhús .....	1.0%
Fjölbýlishús .....	0.5%
Verslunar- og skrifstofubyggingar .....	1.6%
Iðnaðarhús, vörugeymslur og annað atvinnuhúsnaði .....	1.0%
Auk þessa gjalds skal lóðarhafi greiða kr. 40.00 af hverjum fermetra lóðar.	

Við álagningu gatnagerðargjalds samkvæmt þessari grein skal þó ávallt miða við eftirtaldar lágmarksstærðir:

Einbýlishús með tilheyrandi bilgeymslu .....	600 m <sup>3</sup>
Raðhús, tvíbýlishús og sambyggð einbýlishús á einni hæð, hver íbúð. ....	500 m <sup>3</sup>
Tveggja hæða raðhús og íbúðarhús .....	450 m <sup>3</sup>
Fjölbýlishús, hver íbúð .....	400 m <sup>3</sup>

Í atvinnuhúsnaði skal við útreikning rúmmáls til gatnagerðargjalds miðað við lofthæð 3,3 m að innanmáli, nema uppdráttur sýni annað.

Framangreindar reglur gilda, ef hús er stækkað, að því er til stækkunar tekur.

## 4. gr.

Nú ákveður sveitarstjórn að leggja á B-gjald til að ljúka frágangi götu, umfram það sem segir í 3. gr., þ. e. til að setja slitlag og gangstétt, og skal þá miða gjaldið